



SAVEZ UDRUŽENJA
PENZIONERA/UMIROVLJENIKA
U FEDERACIJI BOSNE I HERCEGOVINE

Sarajevo, ulica: Trg nezavisnosti br.11; Telefon/fax:033/769-055, 769-056; transakcijski račun broj: 3389002206044044 kod Uni credit bank d.d. Sarajevo; Identifikacijski/porezni broj: 4200031890008, e-mail supufbih@bih.net.ba

Broj: 109/2021
Sarajevo, 11.10.2021. godine

g-din / g-đa

MIRSAĐ ZAIMOVIĆ

Bosna i Hercegovina
Federacija Bosne i Hercegovine
PARLAMENT FEDERACIJA
SARAJEVO

Primijeno: 11-10-2021			
Org. jed.	Broj	Priloga	Vrijednost
01	-02-	1829	21

PREDMET: Molba za amandmansko djelovanje na prijedlog Zakona o izmjenama i dopunama Zakona o PIO/MIO

Poštovani/a

Pri usvajanju Zakona o PIO u Federaciji BiH u oba doma Parlamenta Federacije, na kraju je konstatovano da se nakon šest mjeseci primjene Zakona može pokrenuti inicijativa za izmjene i dopune istog.

Savez udruženja penzionera/umirovljenika u Federaciji BiH kao najveća nevladina organizacija i glavni konzument odredbi pomenutog Zakona, u toku primjene istog uočio je nedostatke i pokretao je inicijative za izmjene i dopune, ali do polovine ove godine nije naišao na razumijevanje u Vladi Federacije BiH.

Međutim, kada se konačno i prihvatila naša inicijativa, bez našeg znanja i konsultacija urađen je Prijedlog Zakona o izmjenama i dopuna Zakona o PIO i upućen u parlamentarnu proceduru

Mi u Savezu smo mišljenja da su predložene nedovoljne izmjene i dopune Zakona o PIO. Konkretno Zakonom nije predviđeno šta će se desiti sa penzijama ako se ponovi 2020. godina, to jest ako parametri za usklađivanje opet budu negativni. Nije predviđena mogućnost u takvim slučajevima usklađivanja (povećanja) penzija. Primjera radi, ove godine povećana je vrijednost boda pri obračunu osnovice za penziju, povećane plate zaposlenih i drastično porasle cijene a penzije ostale na prošlogodišnjem nivou. Poseban problem u Federaciji su srazmjerne penzije tj. penzije ostvarene u entitetima BiH, odnosno u više država i kada se saberu oba dijela penzije zbir je manji od najniže penzije u Federaciji. Smatramo da bi razliku do najniže penzije trebalo namiriti iz Budžeta Federacije. Pri donošenju novog Zakona nije izvršen preračun svih penzija prema bodovnom sistemu. Tako da su penzije ostale na nivou iz januara 2014. godine, dakle četiri godine nisu povećane. Članom 147. diskriminisani su povratnici u Republiku Srpsku, odnosno ovim članom se praktično destimuliše povratak i suprotan je Aneksu 7. mirovnog Sporazuma.

Molimo Vas da amandmanski djelujete po članu 79. stav ((1)). članu 80. članu 82, članu 140. i članu 147.

OBRAZLOŽENJE

U članu 79. stav ((1)) pored predložene izmjene, Savez predlaže da se iza riječi „potrošačkih cijena“ dodaju riječi „od životnog značaja za penzionere (prehrambenih artikala, lijekova i komunalnih usluga)“

U članu 80. stav ((2)) mijenja se i glasi: „vanredno usklađivanje može se provesti jednom u tekućoj godini ukoliko dođe do ekonomskih poremećaja koji imaju direktan negativan uticaj na socijalno, ekonomsko i zdravstveno stanje penzionera“.

U članu 82. stav ((1)) iza riječi „po međunarodnim ugovorima“ dodaju i riječi „i Sporazuma o međusobnim pravima i obavezama u sprovođenju penzijskog i invalidskog osiguranja“ (Službene novine F BiH broj 24/00), zaključenog između nosilaca osiguranja u entitetima Bosne i Hercegovine.

Dodati novi stav ((2)) i ((3)) koji bi glasili:

stav ((2)): „izuzetno od stava ((1)) ovog člana u slučaju da je zbirni iznos srazmjernih penzija ostvarenih u skladu sa Sporazumom iz stava ((1)) ovog člana manji od najnižeg iznosa penzije iz člana 81. ovog Zakona povratnicima iz jednog u drugi entitet u BiH, koji je korisnik starosne, porodične odnosno invalidske penzije pripada i razlika od zbirnog iznosa srazmjernih penzija do iznosa najniže penzije iz člana 81. ovog Zakona“.

stav ((3)) glasi: „nosilac osiguranja svojim aktom regulisaće način postupka i potrebne dokumentacije za ostvarivanje prava na razliku do najniže penzije“.

U članu 140. dodati nove stavove ((4. i 5.)) a stav ((4)). postaje stav ((6)).

Stav ((4)) glasi: „korisnici prava na penziju koji su to pravo ostvarili u svojstvu vojnih osiguranika Vojske Federacije BiH po uredbama za sticanje prava na prijevremenu starosnu penziju vojnih osiguranika Vojske Federacije BiH (Uredba 1. i Uredba 2. i Uredbi za prijevremeno penzionisanje bivših pripadnika Vojske Federacije i Ministarstva odbrane radi ostvarivanja prava na starosnu penziju za vojne osiguranike, nastavljaju koristiti to pravo po ovom Zakonu, zadržavajući uslove penzionisanja i način obračuna penzija kao vojni osiguranici penzionisani po Zakonu o službi u vojsci Federacije BiH“.

Stav ((5)). koji glasi: „korisnicima prava iz penzijskog i invalidskog osiguranja koji su pravo ostvarili od 31.08.1998. godine do 31.12.2017. godine, isplaćeni iznos penzije za decembar 2017. godine povećava se za 10% i dalje se usklađuje po odredbama ovog Zakona“.

U članu 147. stav ((1)) mijenja se i glasi: „u slučaju smrti korisnika penzije Federalnog zavoda PIO/MIO sa prebivalištem na teritoriji Bosne i Hercegovine, nasljedniku penzije, članu uže porodice, licu koje izmiri troškove, pripada naknada pogrebnih troškova u visini prosječne penzije isplaćene u mjesecu prije smrti korisnika penzije“.

Dostavljeno:

- Vladi Federacije BiH
- Federalno ministarstvo rada i socijalne politike
- direktoru FZ PIO/MIO
- predsjedavajućim oba Doma Parlamenta Federacije
- svim predsjedavajućim klubova u oba Doma Parlamenta Federacije
- a/a



Predsjednik Upravnog odbora

Redžo Mehić

Redžo Mehić